

陸士龍文集

二

陸士龍文集卷第三

晉清河內史陸

詩

兄平原贈

贈鄭曼季往返八首

贈顧尚書一首

贈顧彥先一首

答顧秀才一首

答大將軍祭酒顧令文一首

答吳王上將軍顧彪微一首

贈鄱陽府君張仲鷹一首

林

一鹿集卷第三

乙

二百廿四

孫顯世贈并答


失題二首

兄平原贈 再序

余弱年夙孤與弟士龍銜卹喪庭續會通王命墨經
即戎時並繁髮悼心告別漸歷八載家邦顛覆凡厥
同生彫落殆半收迹之日感物興哀而龍又先在四
時迫當祖載二昆不容逍遙銜痛東祖遺情西暮故
作是詩以寄其哀苦焉

於穆予宗稟精東嶽誕育祖考造我南國克靖寶繇
洪績惟帝念功載繁其錫惟何玄冕衮衣金石假樂
旄鉞授威匪威是信稱乎遠德奕世台衡扶帝紫極

其一



篤生三昆克明克俊遵途結轍承風襲問帝曰欽哉
纂戎烈祚雙組式帶綬章載路即命荆楚對揚休顧
肇敏厥績武功聿舉烟温芳素綢繆江滄昊天不吊
胡寧弃予 其二

嗟予人斯胡德之微闕彼遺軌則此頑違王事靡盬
於旆屢振委籍舊弋統厥征人祁祁征人載蕭載閑
駉駉戎馬有 有翰昔予翼考惟斯伊撫今予小子
罔尋末緒 其三

有命自天崇替靡常王師乘運席江卷湘雖 守
守從武臣守局下列譬彼飛塵洪波電擊與衆同泯
巔跋西夏收迹舊京俯慙堂構仰懷先靈孰去忍媿

寄之我情 其四

伊我俊弟咨爾士龍懷襲瑰瑋播殖清風非德莫懃
非道莫弘垂翼東畿耀穎名邦綿綿洪統非爾孰崇
依依同生恩篤情結義存並濟胡樂之忱願爾偕老
携手黃髮 其五

昔我西征扼腕川湄掩涕即路揮袂長辭六龍促節
逝不我待自往迄茲曠年八祀悠悠我思非爾焉在
昔並垂髮今也將老銜哀茹感契闊充飽嗟我人斯
胡邇之早 其六

天步多艱性命難誓常懼隕斃孤魂殊裔存不阜物
沒不增壤生若朝風死由絕景視彼浮遊方之僑客

眷此黃廬壁宇之斃宅匪身是若亮會伊惜其惜伊何
言紓其思其思伊何悲彼曠載 其七

出車戒塗言告言 歸蓐食驚駕夙興宵馳濛雨之
陰炤月之輝陸陵峻坂川越洪滴爰屆爰止步彼高
堂失爾羽邁良願中荒我心永懷匪悅匪康 其八
昔我斯逝兄弟孔仁今我來思或彫或疚昔我斯逝
族有餘榮今我來思堂有哀聲我行其道鞠爲茂草
我履其房物存人亡拊膺涕泣血淚彷徨 其九

企佇朝路言 爾歸心存言宴目想容輝迫彼窀穸
載驅東路繼其桑梓肆力丘墓婉兮變兮興懷罔極
眷言顧之使我心側 其十

荅

伊我世族太極降精昔在上代軒虞篤生厥生伊何
流祚萬齡南嶽有神乃降厥靈誕鍾祖考宿茲神明
運步玉衡仰和太清賓御四門旁穆紫庭紫庭旣穆
威聲爰振厥振伊何播化殊鄰清風收被率土歸仁
彤弧所寧萬里無塵功昭王府帝庸厥勳黃鉞授征
錫命頻繁闕如覲虎肅茲三軍光若辰時亮彼公門
仍世上司芳流慶純雲和所產爰育二昆誕豐岐嶷
夙邁令問令問伊何休音允臧先公克構乃崇斯堂
耀穎上京發迹扶桑戎車山征時惟鷹揚鷹揚旣昭勳
庸克邁天子命我鎮弼于外在作扞城以表南裔降災

匪蠲景命顛沛惟我賢昆天姿秀生含竒播殊明德
惟馨太陽散氣乃稟厥和山川垂度爰則厥遐厥遐
伊何惟光惟大惟大伊何如岱如涓恢此廣淵廓彼
洪懿弘道惇德淵哉爲器統我先基弱冠慷慨將弘
祖業實崇奕世咨予頑矇最爾弱才沉耀玄渚挹庇
雲淇陶化靡移固陋于茲瞻仰洪範實忝先基巍巍
先基重規累構赫赫重光遐風激路焉昔我先公爰造
斯猷今我六蔽匪崇克扶悠悠大道載邈載遐洋洋
淵源如海如河昔我先公斯綱斯紀今我末嗣乃傾
乃圯世業之頽自予小子仰媿靈立銜憂沒齒憂懷
惟何顧景惟塵我我高蹤眇眇賀辰明德繼體莫非

哲人今我頑鄙規範靡遵仍世載德荒之予身莫峻
匪岳有俊斯登莫高匪雲有高斯凌矧我成基匪克
階升立黃長坂載寐載興豈敢憚行哀此負乘芒芒
高山自予頽之濟濟德義匪予懷之終銜永負于其
媿而昔予言曠汜舟東川銜憂告辭揮淚海濱義陽
趣駕炎華電征自我不見邈哉八齡悠思迥望寤言
通靈昔我徃矣辰在東嶠今我于茲日薄桑榆銜艱
溝慙困瘁躬憂哀矣我世匪蒙靈休開元迄茲震興
迭微弱風隱駭海水群飛王旅南征闡耀靈威予昆
乃播爰集朔土載離永久其毒太苦上帝休命駕言
其歸多我遘愍振蕩胡垂羈繫殊俗初願用違嚴駕

東征肅邁林野夕秣乘馬朝整僕旅矯矯乘馬載驅
載馳漫漫長路或降或階晨風夙零朝不皇飢傾景
儵墜夕不存罷雖有豐草匪釋奔駟雖有重陰匪徨
假寐煢煢僕夫悠悠遠征經彼喬木有鳥嚶鳴微物
識儕矧伊有情樂茲棠棣實歡友生既至既覲滯思
曠年曠年殊■覲未浹辰悵其永懷憂心孔艱天地
永久命也難長生民忽霍曷云其常我之既存靡績
靡紀乾坤難並寂焉其已生若電激沒若川征存愧
松栢逝慙生靈匪吝性命實悼徒生苟克折薪豈憚
冥冥瞻企皇極激福上天冀我友生要期永年昔我
先公邦國攸興今我家道綿綿莫承昔我昆弟如鸞
如龍今我友生凋俊隊雄家哲永徂世業長終華堂
傾構廣宅積壙高門降衡脩庭樹蓬感物悲懷愴矣
其傷悖仁汜愛錫予好音晞光懷寶煥若南金披華
玩藻華若翰林詠彼清聲被之瑟琴味此殊響慰之
予心弘懿忘鄙命之反覆敢投桃李以報寶玉冀憑
光蓋編諸末錄

贈鄭曼季往返八首

谷風懷思也君子在野愛而不見故作是詩言其懷
思之也

習習谷風扇此暮春玄澤墜潤靈爽烟煜高山熾景
喬木興繁蘭波清踴芳澣增涼感物興想念我懷人

其一

習習谷風載穆其音流瑩鼓物清塵拂林霖雨嘉播
有淦淒陰歸鴻逝矣玄鳥來吟嗟我懷人其居樂潛
明發有想如結予心

其二

習習谷風以溫以涼玄黃交泰品物含章潛介淵躍
候鳥雲翔嗟我懷人在津之梁明發有思凌彼褰裳

其三

習習谷風其集惟高嗟我懷人於焉逍遙鸞栖高岡
耳想雲韶拊翼墜夕和鳴興朝我之思之言懷其休

其四

習習谷風其音孔嘉所謂伊人在谷之阿虎質山嘯

龍輝淵蟠維南有箕匪休其和有球斯畢戢爾滂沱
懿厥河漢惟彼大華明發有懷我勞如何

其五

鄭荅

鴛鴦美賢也有賢者二人雙飛東岳揚輝上京其兄
已顯登得朝而弟中漸婆婆衡門然其勞謙接士吐握
待賢雖姬公之下白屋沫泗之養三千無以過也乃
肯垂顧惠我好音思樂結永好之懽云爾

鴛鴦于飛在江之浹和音反暢拊翼雙起朝遊蘭池
夕宿蘭沚清風翕習扇彼蘭蕙凌雲高厲載翔載止

其一

鴛鴦于飛載飛載吟有爵浚敷實惟桂林芳條高茂

華繁垂陰爰翔爰憩其南有馥清芬協以我好音
其二

鴛鴦于飛乘雲高翔有嚶其友戢翼未翔澹素波
容與趨倡雖曰戢止和音遠揚我有好爵與子偕嘗

其三

鴛鴦于飛徘徊翩翩載頡載頽命侶鳴羣有鬱蘭皋
列彼清源駕言遊之聊樂我云思與佳人齊懽順川

其四

鴛鴦于飛或飛或遊習習谷風扇彼清沚春草揚翹
龜龜沉浮感物興想我心長憂誰謂河廣曾日不容舟
企予望之搔首踟躕
其五

三百三

士高麗集卷六第廿三

七

四

鴛鴦于飛載和其鳴懷爾好音寡我中情人亦有言
心得遺形投我木瓜報爾瑤瓊匪繫日報亦好千齡
其六

陸贈

鳴鶴美君子也太平之世君子猶有退而窮居者樂
天知命無憂無欲碩人之考槃傷有德之遺世故作
是詩也

鳴鶴在陰戢其左翼肅雍和鳴在川之側假樂君子
祚爾明德思樂重虛歸于其極嗟我懷人惟聲香黍稷

其一

鳴鶴在陰其鳴喑喑垂翼蘭沼濯清芳池假樂君子

其茂猗猗底之瑰寶有繁瓊瓊乃振袞裳襲爾好衣
嗟我懷人啓襟以晞

其二

鳴鶴在陰其儀藹藹謂天蓋高和音于邁假樂君子
篤膺俊乂穆風潛烈興雲戢蒼德茂當年時衍嘉會
安得顰藻改爾縞帶嗟我懷人心焉忼愾

其三

鳴鶴在陰載好其聲漸陸儀羽遵渚回涇假樂君子
祚之篤生德耀有穆如瑤如瓊安得風帆深濯鬚滅
景遺雲雨爾在北冥嗟我懷人惟用傷情

其四

鄭荅

蘭林懽至好也有君子世濟其美英名光茂遭時暫
否福德衡門顧我慙懃屢辱德音思與結好以求不刊

高適

瞻彼蘭林有翹有秀有斐君子邦之碩茂厥德伊何
固天攸授如川之源如山之富回流清淵啓襟開裕
縉紳晞風民用胥附

其一

猗猗碩人如玉如金浚其明哲尅廣德心習習凱風
吹我棘林飛鴉萃至允懷好音悠悠征徒輔德鮮任
嗟我猗人和樂實悅

其二

在昔延州鵠鳴江涯今我陸子曠世繼竒身乖千載
德音並馳漸鴻遵渚宛其羽儀安得高風騰翮天池

其三

飛龍蜿蜒山谷升氣猛虎嘯吟清風高厲情同來感
數乖身逝夷鮑齊懽專名故世愷悌君子民之攸懃

咨予遘時千載同愛

其四

垂龔之會匪詩不宣嗟我懷人斯恩斯勤德音來訊
有蔚其文菽菽懽兔匪迹不存誠在心德愛結忘言

陸贈

南衡美君子也言君子遯世不悶以德存身作者思
其以德來仕又願言就之宿感白駒之義而作是詩焉
南衡惟岳峻極昊蒼瞻彼江湘惟水泱泱清和有合
俊人以藏天保定爾茂以瓊光景秀濛汜穎逸扶桑
我之懷矣休音俊揚

其一

穆穆休音有來爾雍沉波涌奧淵芳馥風僚虛養恬
照日遺蹤考槃遵渚思樂潛龍我之懷矣冥爾華宮

其二

和璧在山荆林玉潤之子于潛清輝遠振克稱輔德
作寶有晉和聲在林羽儀未變我之懷矣有客來信

其三

風雲有作應通山淵清琴啓彈宮商乘絃類族知感
有命自天夷叔希世猶謂比肩矧我與子始會斯年

其四

我之懷矣在彼北林北林何有於煥斯文瓊瑰非寶
尺牘成珍豐華非妙得意惟神河魴登俎遺荅清川

其五

鄭荅

南山酬至德也有退仕衡門脩道以養和弃物以存
神民思其治士懷其德或思置之列位或思從之信
宿詩人嘉與此賢當年相遇又屢獲德音情懽心至
故作是詩焉

陟彼南山言采其蕭樂只君子邦家之勣克茂厥猶
輶德是收聊道以儉廣愛以周嗟我懷人永好千秋

其一

瞻彼江潭言釣其鱸有美碩人自公退處羔裘逍遙
輶德是舉白駒遯時世事孰與思我猗人寘之晉序
有客信信獨寐寤語

其二

天高地卑立黃烟煜人道交泰自昔先民耽文合好

輔德與仁管叔罕僑曠世難鄰脩組施結立弁生塵
咨我與子講會當身琴瑟在御永愛纏綿

其三

瞻彼江澳言詠其潭所謂伊人在水之陰養和以泰
樂道之潛錦衣尚絅至樂是耽興言永思繫懷所欽
愛而不見獨寐寤吟

其四

詩以言志先民是經乃惠嘉訊德音惟馨欽詠繁藻
永結中情華文傷實世士所營達人神化反之混冥
交弃其數言取其誠思與哲人獨寶其貞

其五

陸贈

瞻彼高崗有猗其桐允也君子實寶南江貞規啓俗
沉矩履方泳此明沔清瀾川通陟彼衡林味其回芳

其一

馥馥回芳綢繆中原祁祁庶類薄采其芬栖遲泌丘
容與衡門聲播東汜響溢南雲

其二

穆穆閭闔南端啓齋庶明以庸帝聽式闕有鳳于潛
在林栖翮非予之祚孰與好爵

其三

幽居玩物顧景自頤發憤潛惟何佛有思予表忘此
終然胥來企予與言惟用作詩

其四

鄭荅

瞻彼中陵蘭黃猗猗允矣君子樂且有儀沉仁育物
立聰鏡機德充闡庭名逸南機祁祁俊友言酌言依

其一

三百二十

二龍集卷之三

十一

古文

鼓鍾于宮百里震聲亶亶今問歸我倬貞厥震伊何
駿奔以驚駭問伊何民胥以寧有鶴在陰非子誰鳴
我有好爵非子孰盈

其二

潛龍遁初有鳳戢翬王猶未泰彝倫錯違臯門重

爾啓扉庶績適敷非爾焉綏翼翼京宇俟爾攸臨
民之胥望如渴如飢

其三

德音來惠覆玩三周沉潤淵洞逸藻雲浮結心所親
曷變曷渝路隔津梁一葦限殊終朝之思三秋是踰
愛而不見興言跼蹐

其四

贈顧尚書

五嶽降神四瀆炳靈兩儀鈞陶參和大成兆光人倫

誕育至英於顯尚書實惟我兄行成世則才爲時生
體道旣弘大德允明歎弘伊何靡曠不遵厥明伊何
靡妙不妍無索炤灼有冰幽玄細微不錯豪芒以陳
積篲爲山納流成淵扶翹布華養物作春所肅以禮
所潤以仁宣質拔行曜文入采堅不可鑽清如凝水
方逆迎眼踰齊闕里晞聖而惟亦顧之子彼弃芝英
玩此蘭菹異世同芳其馥不已我蘭旣馥我風載清
能芬南岳運芳北征子有其德人求其馨逝此陋巷
薰彼紫庭厥音不已鼓鍾有聲聞天之聰譬之鵠鳴
天聰旣昭我實惟彰乘風之鳳眷言朝陽披雲藻繡
來此舊鄉謙光自抑厥輝愈揚麗容雕翕孔好已張
既照平林且我華英華英已曜餘光難延會淺別速
哀以紹欣追曠同途暫和笑言殊音合奏曲異響連
絕我懽條統我思因根分來在愛感往思我非形景
有處有遊載離載會且懽且憂感彼遠曠若此延娛
樂奏聲哀言發涕流唯願我子德與福俱亦天之祐
亦我之

贈顧彥先

玄黃挺秀誕授至真行該其高德備其新光瑩之偉
隋卞同珎騰都之 龍鳳合塵 其一
皇皇明哲應期繼聲華映殊域寶鎮天庭入輔出耀
乾乾靡寧夏發涼臺我雨我暑冬違邦族風霜是處

嗟彼獨宿誰與晤語飄飄艱辛非禹孰舉言念君子
悵惟心是

其二

悠悠山川駢駢征遐陟升嶠堯降涉洪波吉無不利
乘嶮而嘉人懷思慮我保其和

其三

邂逅相遇良願乃從不逢知己誰濟予躬莫攀莫附
媿我高風時過年邁晙冉桑榆晞光賴潤亦在斯須
假我夷塗頓不忘驅汎子津川桴不失浮無愛餘輝
遂暗東嶠

其四

幽幽東嶠戀彼西歸瞻儀情感聆音心悲之子于邁
夙夜京畿王事多難仲焉徘徊

其五

答顧秀才

三

士龍集第三

三

葛憲

芒芒上玄有物有則厥初造命立我藝則爰茲族類
有覺先識斯文未喪誕育明德

其一

允矣顧生載靈之和沉根芳沼濯秀蘭波淵翹戢穎
景茂凌華惟是德心是用閑邪

其二

德心伊何行歸于周晞高仰峻企遠懷悠匪願在明
靡倦斯幽凡我同朋瞻言清休

其三

慎終于遠俾民歸厚言若有行及予携手何以恤我
其仁孔有心之云愛隆敬其久

其四

既邁斯仁亦迪茲文藻不雕樸華不變淳有斐君子
如珪如璠仰欽德類俯懷惠詮式揚好問邦家于宣

其五

荅大將軍祭酒顧令文

惟林有鸞惟淵有螭顯允明德實邦之基先后陟恪
子配于茲遵彼玉堂受言邁之

其一

中原有軌世鮮克蹈先民有懷子探其妙心猶水鑒
函景內照名若振炎攄光外燿

其二

相彼水鑒民胥攸臨矧曰明德人誰弗欽寫我朶頤
即爾澄心義隆自古好邈在今

其三

大人有祚興雲自天之子于升亦躍于淵景曳清霄
響發鳴弦義問弘集淑風載鮮

其四

企予朔都非子孰念豈無弱翰才不克贍惠音聿來
瓊華玉鬘無德不報念辭惟忝

其五

荅吳王上將顧慶微

邈矣大昧造化明明物以曲全人以直生類聚百族
群分萬形負淵挺隨方川吐瓊

其一

藹藹洪族天祿攸蕃神綏厥本道裕其源條有豐葉
波無輟瀾烈風時播芳響世繁

其二

日繁日熙載德于茲克文克敏乃惠乃慈遵彼洪流
薄言詠之好是神契聊與之期

其三

仁勇同宅文武相紛王謂御事誰撫上軍於時翻飛
虎嘯江濱式遏不虞俾也無塵

其四

三代旣遠直道垂音非齒焉尚非德孰欽鑽仰自古
鮮曰在今匪唯形交設薦其心

其五

心以殷薦分以道成祇服惠顧疇此深情亦有芳訊
薄載其誠豈無春暉茲焉可榮

其六

大道易聞崇軌難襲孰云匪行咎去允集敢謝不佞
拙山自戢臨篇焉愧德輶辭輯

其七

翩彼日月逝猶駭電朝華未厭夕風已扇詩亦有悲
無幾相見懷德歎心于焉東眷

其八

平津晚貢貢公後徵陟彼玉階黃髮來升靈卉三秀
芳草秋興唯頤清神福祿是膺

其九

贈鄱陽府君張仲膺

神林何有竒華妙實皇朝如何窮文極質斌斌君子
升堂入室太上有曜子誕其輝知機日難子達其微

三百六十六

士龍集卷第三

七

朱

入輔幃幄出御千里滔滔江漢南國之紀

其一

謁帝東堂剖符南征天子命我車服以榮何以潤之
德被蒼生何以濟之威振群城却愚以化崇賢以仁
鳳舒其翮龍濯其鱗憶彼荒藪莫敢不賓雖云舊邦
其命惟新

其二

卞和南金終始一色顯允君子窮達一德弘仁厲道
物究其極古賢受爵循墻虎恭今哲居貴履盈如冲
接新以化愛舊以豐隆此嚶鳴悖彼谷風

其三

忠至寵加孝至榮集內崇南芬外清名邑焯焯棠棣
負增其華猗猗桑梓厥耀孔多被繡畫行昔人攸羨

階雲飛藻孰與同粲

其四

人道伊何難合易離會如升峻別如順淇嗟我懷人
曷云其來貢言執手涕既隕之

其五

孫顯世贈

五龍戢號雲鳥纂紀淳化既離義風肅始軒冕垂容
文教乃理弈弈英族盛德豐祀

其一

於赫皇吳應天統元蒸文烈公光讚懿勳九命重輝恭
德彌勤華黻襲藻金石載振

其二

淵哉陸生本顯洪胄亦崇懿風邈此弘裕無兢惟德
豐光伊茂文以義好施以仁富

其三

山積惟峻道隆名遐潛景在淵龍躍承華既升爾儀
誰不允嘉有漼重深載清其波

其四

濟濟皇朝峨峨髦士序爵以賢惟俊萃止翩翩二宮
令問不已乃遷華閣皇典斯紀

其五

思文大謨恢我王猷清風肆穆雅憲允休邁彼江川
邈此北流微言蘭馥玉藻雲浮

其六

遭時之險虎牢滔天憑德羨重繫此俊賢休否既亨
名以德淵清微伊鑠鑽之彌堅

其七

明明大象玄鑒照微顯允君子求福不回善挹引慶
險以德祈澄濁以靜罔久不暉

其八

釋彼遊寄樂此窈真形以神和思以道新清雲方乘
芳餌可捐達觀在一萬物自賓

其九

重門誰和子音瞻彼晨風思託茂林

其十

答

邈矣上祖垂休萬葉廣問弘被崇軌峻躡高山克荒
大川利涉繁藹惟祐風連雲接

其一

大人有作二后利見九功敷奏七德殷薦鼎寶重芳
芳烈再扇奕世弘道天祿來宴

其二

道弘振古祚未替今如彼在川亦有浮沉大韶既系
響非我音豈日荒止塗弗克尋

其三

昌風改物豐水易瀾百川摠紀四海合源在彼焉取
聿來莫觀曾是徧心敢忘丘園

其四

負暉偏照玄澤謬盈發彼承華頓此增城託景靈雲
倦遊紫庭匪曰能之寔忝長嬰

其五

煥矣金虎襲我皇猷孰云匪去仰媿蒼流往蹇來反
弭迹一丘變彼東朝言即爾謀

其六

振振孫子洪族之紀志擬龍潛德配麟趾引服朗節
克明峻軌遵彼中臯於穆不已

其七

於穆不已大都是階之子于命民應如隕厚德時邁
協風允諧惠此海湄俾也可懷

其八

乃眷丘林樂哉河曲解紱披褐投印懷玉遺情春臺
託蔭寒木言念伊人溫其在谷

其九

道俟人行辭以義輯和容過表余未云執惠音弘播
清風駿集懷德形撫臨篇景立

其十

失題二首

美哉良友稟德坤靈明照遠鑒幽微研精超跡皇英
質如瑤瓊贈我翰墨示我丹誠道同契合體異心并
自頃西徂合于五樓遲想歡燕覩我良疇亦既至止
願言莫由室邇入鬲中情則憂抱恨東遊神往形留
何以合志寄之此詩何以寫思託之斯辭我心愛矣
歌以贈之無祕爾音不我是貽有美一人芳問芬葩
嗟我欽羨夢想光華亦既至思上下欣嘉德馥秋蘭
容茂春羅淑似令娣惟予陋何雖有良木朽木難加
愛樂朋規贈以斯歌皆能載之其美孔多嗟痛薄祐
並罹哀苦堂構既崩過庭莫覩我悴西隣子沉東土
契闊艱辛誰與晤語身滯情往神逝影處發夢宵寐
以慰延佇

陸士龍文集卷第三



